

بسم الله الرحمن الرحيم

أهلاً بكم

اليوم سنلتقي مع الجزء السادس من موضوع اقرأ وكأنتك معي

وهو شرح جزء من الفصل الأول

عمر ك شوفت حد في الدنيا بينتج أو بيصنع أو بيعمل أي حاجة من الهوا
في حاجة في الدنيا ملهاش أصل ملهاش مصدر

طبعا لأ

طيب احنا هنتكلم عن الحضارة الإسلامية يعني هنتكلم عن المستوى الحضاري اللي وصل ليه
المسلمين

ينفع نقول أن الحضارة الإسلامية جت من فراغ ملهاش أصل صحينا من النوم لقينا عند
المسلمين حضارة طبعا لأ

عشان نفهم الحضارة الإسلامية كويس لازم نعرف أصلها أيه وجبناها منين
يبقى موضوع الفصل الأول في التاريخ هو

أصول الحضارة الإسلامية

ها فهنا العنوان

على فكره فهم عنوان الموضوع بيساعد على حفظه

أصول الحضارة الإسلامية نوعان

أصول عربية (يعني البلاد العربية اللي كان فيها حضارة والمسلمين نقلوا منها)

أصول غير عربية (يعني الفرس والروم وطبعا هما مش عرب بس كان عندهم حضارة
عظيمة نقلها واستفاد منها العرب

أولا :: الأصول العربية

حضارات بلاد اليمن ::

أ/ مملكة معين

من الاسم واضح أنها مملكة ظهرت في اليمن وكان فيها حضارة استفاد منها المسلمون يبقى
هنعتبرها من أصول الحضارة الإسلامية (ده بعد أدنكم طبعا)

ظهرت سنة ١٣٠٠ قبل الميلاد وعاشت معين ٦٥٠ سنة تبقى انهات ٦٥٠ قبل الميلاد
مسألة حسابية بسيطة صح

مكانها فين في اليمن

سهله جدا احفظ معايا

معين تقع في الجوف

معين مكانها في الجوف

معين موجوده في الجوف

ها

اتحفظت

معين فين يا شباب

معين في الجوف

طيب فين منطقة الجوف ديه

الجوف في جنوب شرق صنعاء

جميل جدا

تبقى معين تقع في منطقة الجوف جنوب شرق صنعاء

ليها عاصمه طبعا يعني مملكه من غير عاصمة طيب العاصمة بتاعتها ايه
..... **قرناو** مين قرناو اسم حلو مش كده
قرناو

نظام الحكم فيها (يعني بتتحكم بطريقة) **ملكي وراثي** طبعا شيء بديهي انت بتقولي مملكة
معين يبقى الحكم فيها لازم يكون ملكي
مش محتاجة عبقرية
اقتصادها اعتمد على **التجارة الخارجية** وانتهت لما سبأ استولت عليها
ايه الأخبار
صعبه ولا سهله
تحب نسهلها أكثر
بص

أي مملكة عربية هنتكلم عنها نظام الحكم فيها ملكي وراثي وبتشتغل أساسي في التجارة
يبقى وأنا مغمض ملكي وراثي - تجارة - مع أي مملكة

ب/ مملكة سبأ (سبأ بن يشجب بن يعرب بن قحطان بن سام بن نوح)

ظهرت عام ٩٥٠ قبل الميلاد وانتهت عام ١١٥ قبل الميلاد
جميل ... مكانها فين
احفظ معايا

الركن الركن الركن **حفظت الركن** **جنوب غرب اليمن**
يبقى تقع في منطقة الركن جنوب غرب اليمن عاصمتها ← **مأرب** نظام حكمها **ملكيا وراثيا**
تعاقب عليها أكثر من ٣٠ ملك أشهرهم [**بلقيس**] التي ورد ذكرها في القرآن ← **اعتمد**
اقتصادها على خصوبة الأرض / التجارة العالمية
← اشهر مظاهرها الحضارية **سد مأرب** ٦٥٠ - ٦٣٠ ق.م , وقد انهار بسبب **سيل العرم**
مما أدى إلى انهيار سبأ اقتصاديا وضعفها عسكريا فاستطاعت دولة حمير الاستيلاء عليها
١١٥ ق.م

ج/ مملكة حمير

ظهرت عام ١١٥ قبل الميلاد واستمرت حتى ٥٢٥ ميلاديا يعني أول ظهور للمسيحية كان
عهد ملوك حمير

تقع في منطقة **قتبان** (بين سبأ والبحر الأحمر) عاصمتها **ريدان (ظفار)**
طبعا حكمها ملكي وراثي وكان ملوكها شايقين أنفسهم شويه بيدخلوا حروب كثيرة يعني
علاقتهم بجيرانهم مش ولا بد عكس سبأ
اعتمد اقتصادها على التجارة الخارجية وخصوبة الأرض
سر سقوط حمير رغم انها دولة قوية ؟

لان ملك حمير - **يوسف ذو النواس عذب مسيحي نجران** واحرقهم في الأخدود لهذا تدخل
الإمبراطور البيزنطي [**جستينيان**] لحمايتهم بصفته راعي المسيحيين
وأصدر جستينيان أوامره إلى **النجاشي** ملك الحبشة بغزو اليمن حتى سقطت في يده عام ٥٢٥ م
م وفي عام ٥٧١ (سنة ميلاد رسول الله) حاول **ابرهه الحبشي** هدم الكعبة ولكنة فشل فيما
عرف بعام الفيل ثم استولى الفرس على اليمن حتى اعتنق بازان // آخر ملوكهم الإسلام
وانضمت اليمن للدولة الإسلامية (**طيب لو مدخلش بازان الإسلام كان هيحصل ايه**)

**شكرا للجميع انتظرونا قريبا مع جزء أكبر من هذا
الموضوع**